

廣城縣志卷之十

〔雜記〕

夫析類紀事志例也。何取乎雜事。固有難於此類者。瑣言碎節。珥筆者不容割棄。旁搜而備載之。殿諸卷末。以防遺漏。以資考覽。雖所見異詞。所聞異詞。要皆足以爲博物之助。觀者甚勿謂其細已甚。而等諸一邑之賸言也。墳墓災祥。舊原歸雜志。今仍之。坊牌無多。亦附載焉。志雜記。

墳墓

倉帝墓在縣西四十里。有祠前志誤作蒼頡今改正焉附倉帝攷載藝文

商均墓在縣西南三里。

墓上舊有祠字一所今廢墳土多砂瓦碎石遇大雨

間或濯出五銖古錢樵牧恒拾之有石碑康熙四十一年知縣程本節立

漢

盛允墓在縣東二里。按水經云。虞城縣東有漢司徒公盛允碑。延熹中立也。墓有石闕。廟宇廢。

魏

劉賓墓在縣東北二十里。有碑磨滅不可皆辨。

其畧云君諱賓字元虬梁郡睢陽人也其先大

父漢之苗裔岐嶷英偉才學冠世文章彪炳爲

洛叢二郡太守首尾六載君有牧尙之風府解

退都旨加陵江將軍

闕五字

旅震宗班除南徐州

平南府將軍

闕

伏波將軍擢授東隋郡太守憂

公棄利愛人如子威德並施寬猛兼懷復河東

之股肱

闕

陽之高卧

闕

寇水陵暴以城固守不

捨晝夜

闕

競注臨城迫脅貞節不渝抗勵守志

闕

天子震悼朝野痛惜特加褒贈使持節平南

將軍郢州刺史祭以太牢謚曰文貞侯還寔潢陽城之西北其銘可讀者曰既有武功亦資文德一時所望云大魏元象元年歲次戊午十一月丙辰朔五日庚申朔至隋末乳離毀折於唐麟德二年歲次乙丑再刻宋章炳文曰按元象元年乃東魏節靜帝之號與梁高祖太同四年西魏太統四年皆戊午年也至紹聖三年已五百六十一年麟德二年乙丑歲乃唐高宗之號也相去一百二十八年而再刻至紹聖三年已四百

二十三年矣北史闕賓傳

唐

劉良墓按章炳文古蹟碑有劉司馬墓誌剥落
難辨其可讀者畧曰君諱良字希才梁國東虞
人梁節王之後卽君十九代祖也垂拱四年八
月爲銀州儒林縣令永昌元年二月移徐州彭
城縣令又移平州司馬巫州司馬君清標獨運
方輕梁父之吟意匠孤馳自忽鳴琴之韻放曠
文酒志重邱園春秋八十有六大周長壽元年

十月五日。塋於宋州虞城縣建興鄉博物里。按唐史。垂拱四年。豫王旦之號也。至四年改爲永昌。武氏僭位。改長壽云。

張全禮墓在舊縣西郭門。按章炳文碑有唐宋州虞城縣上柱國張全禮誌。文曰。君本南陽王白水侯之胄裔也。脩五常而毓秀。含九德而挺生。稟模範於自然。體沖和而育性。名超六郡。勇冠三軍。徃謂九種鴟張。三韓狼顧。皇赫斯怒。爰命偏師。君應募從戎。勲當柱國。去調露中。應詔

明敷制授扶州重博鎮副境荒徼地邇吐蕃迥
絕孤城每被侵擾君竭忠義苦戰賊黨而滅亡
事乃一朝名流萬代以開元十二年十一月二
十八日塋於縣之西郭門二百步舊塋所禮也
李立表墓在縣北待賓西鄉五里古蹟碑載立
表誌曰公諱立表字劉生趙邦人也李姓有虞
因官封氏今家梁園植性寬宏執心忠孝經通
萬卷書讀五車道中匡時言堪軌物有才無命
君子不憂所以脫洒邱園婆娑鄉曲契元真理

悟色景空爲無爲事無事以德年深板授彭城令崇其德逸其志也開元二十二年八月二十六日終於私第春秋八十有六其年十二月十九日塋於古

闕二

禮賢鄉黃堎里南面古汴北

背梁溝云

明

大司冠楊東明墓在縣西二里許南對商均墓數百武於崇禎三年庚午初夏奉旨遣官造墓安塋

烈女薛坤墓在楊大司寇墓東半里

坊牌

明

義民坊在稍岡鎮景泰六年爲義民張祥立

貞節坊成化七年爲宣德己酉科舉人范俊妻

石氏立

光振坊成化十二年知縣王端爲甲午科舉人

范英立

鵬搏坊成化十六年知縣張獻爲丁酉科舉人

沈瀚立

擢英坊。成化十九年。知縣柳澤。爲庚子科舉人。
李高立。

進士坊。成化二十年。知縣柳澤。爲甲辰科進士。
沈瀚立。以上諸坊俱立
在舊城。今廢。

承流坊。宣化坊。在縣治東西。嘉靖二十三年。知
縣汪瑞立。

汴省蜚英坊。

京兆別駕坊。在縣西。嘉靖十六年。知縣徐正道。

爲勅贈承德郎順天府通判己酉科舉人范俊立

奪錦坊在縣治東南嘉靖十四年爲己丑科進士張鵬翼立

恩榮坊在縣治東南嘉靖十四年爲勅贈刑部主事張文勝立

天寵馳恩坊萬厯元年巡撫都御史朱綱爲勅贈登仕郎鴻臚寺序班范桐立

在縣治東二街

天寵褒封坊在縣治西大寓首北天啟年間爲

誥贈刑部侍郎楊文政楊棟立

司寇坊在縣治西天啟年間爲刑部左侍郎楊

東明立

皇恩旌義坊萬歷年間爲大常寺卿楊東明文

華殿中書舍人楊東光捐金助餉立

按雍正五年建忠義

祠奉文曾經旌表者方準入祠此坊旣爲兩楊公建乃祠內但入太常而不入中翰豈非缺典

綸音旌節坊爲勅贈御史范醇敬妻王氏立

父子侍御坊崇禎年間爲勅贈浙江道御史范

醇敬浙江道監察御史范良彥立

在寓首南

旌表節烈坊爲宣德己酉科舉人勅贈承德郎
順天府通判范俊妻勅封太安人石氏儒士范
煖妻貞節孟氏儒學生員范崇契妻貞烈耿氏
立在大隅首
南街東
綸音褒節坊在縣治西北大街東爲司寇楊東
明繼室邱氏立

國朝

烈婦坊在東郭外爲胡詢妻孫氏立
節孝坊

一在東二街爲許璟妻黃氏立

一在東二街爲范昭妻趙氏立

一在西二街爲杜天如妻李氏立

一在丁家道口爲蕭氏一門三節婦立

一在丁家道口爲戴註妻周氏立

一在丁家道口爲張中域妻王氏立

一在陳家堤口爲陳經妻吳氏立

一在袁家集爲袁作舟妻韓氏立

一在劉家集東爲孫纘統妻劉氏立

一在黑垆村宮庄爲莖廣生妻卽氏立

一在甄家樓爲甄吉文妻李氏立

烈女坊在縣西二里爲烈女薛坤立

百歲坊

義行坊在南馬道爲候選州判王煥立

災祥

一按舊經云黎邱在縣北二十里高二丈五尺多竒鬼黎邱之叟市醉而歸鬼乃詐爲其子扶之於道因百狀苦之叟醒而責其子泣觸地曰夔無

告也。叟曰：必奇鬼也。明日復醉自市歸，其子乃躬迎之。叟遂拔劍刺死。唐李白頌、李錫云：北境黎邱之古鬼，惑醉父以及其子。自公到後，茂聞爲災。

明

永樂元年秋，地產嘉禾，秀聯雙穗。知縣鄭泰上其事，天子甚嘉焉。

永樂十二年六月二日，民家失火，延燎十餘家。時風烈火熾，弗克力救。知縣楊廣仁拜禱於天。

卽時風止空中驟雨大降火遂息

成化二年大饑

人相食詔免租賑貸

成化十四年夏初蝌蚪遍水陸多聚至數石募則上樹沿牆人咸不知所由禾幾霑雨澇溢平途可以運舟如是者數歲始知爲水兆也

成化十七年秋大雨水害稼

成化十八年秋蝗蔽天自東入境知縣柳澤齋沐禱神蝗遂越境去

成化二十一年春夏亢旱禾稼將槁知縣柳澤